



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCXLIV. De Mirabili evasione Christi fidelium de manibus infidelium.

urn:nbn:de:hbz:466:1-11850

*Conradus de Feuchtwangen X. Mag. Gen. Ordinis Teut.
Meneke de Querfurt XII. Mag. Prov. in Prussia.*

fovia nescio quo ductus Spiritu treugas inter Christianos & infideles ad certum terminum ordinavit, infra quos dum Poloni nihil timentes officiis vacarent, Lethovvini rupto Treugarum foedere, irruerunt in eos, & Casemirum Ducem & totum Populum peremerunt, præter unum militem, qui evasit solus, ut hæc aliis nunciaret.

ANIMADVERSIONES

- (a) Lancitensi legit Exemp. Elbingense. Lancitia verò est oppidum majoris Poloniae.
- (b) *Treuga* est vox barbara, & significat illorum temporum scriptoribus idem, quod pax seu induciæ à Germanico *Trewe*. Vid. Vossius *lib. 1. de Vitiis Serm. Lat. Cap. 1. pag. 4. & lib. 2. cap. 18. pag. 313.*

CAP. CCXLIV.

De

*Mirabili evasione Christi fidelium de
manibus infidelium.*

HO anno circa festum B. Jacobi Apostoli frater Conradus Stango Commendator de Raganita cum paucis fratribus & armigeris ivit versus castrum Junigedam, præmittens nuncium, ut investigaret statum Castrensiū; qui cum festinatione reversus ait, totum Campum & Castrum cum suburbio pugnatorum potentiā plenum esse. Hoc audito, fratres & alii consternati mente dixerunt; ergò evadere ipsos non possumus, quid ergo faciemus? Respondit Commendator, confortans eos verbis Judæ Machabæi, dixit: Facile est concludere multos in manu paucorum, & non est differentia in conspectu DEI coeli liberare in multis aut in paucis; quia non in multitudine exercitus victoria, sed de cælo fortitudo est. Pertranseamus ergo eos viriliter & Dominus liberabit nos; quod consilium placuit omnibus.

Conradus de Feuchtwangen X. Mag. Gen. Ord. Teut.

Meneko de Quersfurt XII. Mag. Provinc. in Prussia.

bus. Unde signantes se signo sanctæ Crucis, transeuntes dictum Exercitum Lethovvinorum plures interfecerunt, aliquos lethali- ter vulnerarunt, cæteris in fugam conversis, cum suis sani & in- columes redierunt. Ecce quomodo unus persequebatur mil- le & duo fugabant X. Millia. Nonne ideo, quia Deus suos ven- didit, & Dominus conclusit eos, utique tu es ergò DEUS, qui fa- cis mirabilia magna solus Jesu Christi, qui es benedictus in secu- la seculorum Amen.

CAP. CCXLV

De

Exustione præurbiorum Castri

Junigedo.

ANno Domini MCCXCIII. tempore hyemali, Magister nec sibi nec suis parcens, nec laboribus, nec expensis; Sed sem- per intentus ad exaltationem fidei & fidelium, congregatâ omni- potentiâ exercitus sui, venit ad Castrum Junigedam, & hostili- ter impugnavit, occisis pluribus duo suburbia dicti Castri (a) unum in monte aliud in valle redegit in favillam.

ANIMADVERSIO.

(a) Aliud illud fuit suburbium Castri Vista. Kojal. l. c. p. 203.

CAP. CCXLVI.

De

Impugnatione Castri Scalowitarum.

DE hoc exercitu fugit occulte quidam armiger de Raganita, natus de terra Barthenfi, filius perditionis, qui veniens ad Regem Lethovvinorum obligavit se sub pœna capitis sui trade- re